

Na osnovu člana 12. tačka i) i člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O IZMJENAMA I DOPUNAMA ODLUKE O USKLAĐIVANJU STATUSA JAVNOG PREDUZEĆA "GRADSKI SAOBRAĆAJ" SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog javnog komunalnog preduzeća "Gradski saobraćaj" Sarajevo sa zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 33/05 i 30/08), član 8. mijenja se i glasi:

Preduzeće obavlja djelatnost i to:

60.212 prevoz putnika u gradskom saobraćaju

60.2360.230 ostali prevoz putnika u kopnenom saobraćaju,

60.211 prevoz putnika u drumskom saobraćaju,

63.2163.210 ostale prateće djelatnosti u kopnenom saobraćaju (tekuće održavanje i manje popravke vučnih vozila)

63.3063.300 djelatnost putničkih agencija i turoperatera i ostale usluge turistima na drugom mjestu nepomenute,

64.2064.200 telekomunikacije,

22.2222.220 štampanje na drugom mjestu nepomenute,

22.2322.230 knjigovezački radovi,

22.2422.240 pripremne djelatnosti u vezi sa štampanjem,

22.2522.250 Pomoćne djelatnosti u vezi sa štampanjem,

45.212 Izgradnja objekata niskogradnje

45.1145.110 rušenje i razbijanje objekata, zemljani radovi,

45.2345.230 izgradnja saobraćajnica, aerodromskih pista i sportskih terena,

50.2050.200 održavanje i popravka motornih vozila

50.302 trgovina dijelovima i priborom za motorna vozila na malo,

50.303 posredovanje u trgovini dijelovima i priborom za motorna vozila,

50.5050.500 trgovina na malo motornim gorivima i mazivima

52.1152.110 trgovina na malo u nespecijaliziranim prodavnicama pretežno prehrambenih proizvoda, pića i duhanskih proizvoda

52.4752.470 trgovina na malo knjigama, novinama i pisaćim materijalom,

52.2452.240 trgovina na malo kruhom, tjesteninom, kolačima i slatkišima,

52.3352.330 trgovina na malo kozmetičkim i toaletnim preparatima,

52.4152.410 trgovina na malo tekstilom,

52.484 trgovina na malo igrama i igračkama,

52.487 ostala trgovina na malo u specijaliziranim prodavnicama (specijalizirana trgovina na malo neprehrambenim proizvodima na drugom mjestu nepomenuto),

55.3055.300 restorani,

55.5155.510 kantine,

74.3074.300 tehničko ispitivanje i analiza (periodični tehnički pregled motornih vozila radi sigurnosti na putu),

74.40 reklama i propaganda

74.87 74.870 ostale poslovne djelatnosti na drugom mjestu nepomenute,

80.41 80.410 djelatnost škola za vozače.

Član 2.

U članu 13. druga rečenica briše se.

Dodaje se stav 2. koji glasi:

"Statutom Preduzeća propisuju se statutarne rezerve, utvrđuje namjena i način njihovog korištenja".

Član 3.

U članu 18. alineja 1. briše se.

Alineja 3. mijenja se i glasi: "daje mišljenje Skupštini o prijedlogu Uprave o rasporedu dobiti".

Alineja 6. mijenja se i glasi: " imenuje i razrješava Upravu u skladu sa Statutom Preduzeća".

Član 4.

Član 20. stav 2. mijenja se i glasi:

"Nadzorni odbor ima predsjednika i dva člana.

Prilikom imenovanja članova Nadzornog odbora, primjenjivat će se odredbe Zakona o privrednim društvima, Zakona o javnim preduzećima u Federaciji Bosne i Hercegovine i Statuta Preduzeća".

Član 5.

U članu 23. stav 2. riječ "profita", zamjenjuje se riječju "dobiti".

U stavu 4. riječi: "Upravu bira Nadzorni odbor većinom glasova" zamjenjuje se riječima: "Uprava se bira, imenuje i razrješava u skladu sa postupkom utvrđenim u Statutu Preduzeća"

Član 6.

Član 29. briše se.

Član 7.

U članu 30. stav 1. alineja 3. riječ "studiju" zamjenjuje se riječju "strategiju".

Član 8.

Član 33. mijenja se i glasi:

"Član 33.

Preduzeće ima Skupštinu koja se sastoji od predsjednika i dva člana.

Mandat članova Skupštine Preduzeća je dvije godine. Predsjednik i članovi Skupštine Preduzeća imaju pravo na naknadu za svoj rad, koja se utvrđuje Odlukom Vlade Kantona Sarajevo.

Imenovanje i razrješenje predsjednika i članova Skupštine Preduzeća vrši se na način da iste, na prijedlog Ministarstva saobraćaja Kantona Sarajevo, uz saglasnost Vlade Kantona Sarajevo, potvrđuje Skupština Kantona Sarajevo.

Proceduru imenovanja predsjednika i članova Skupštine Preduzeća provodi Ministarstvo saobraćaja Kantona Sarajevo, u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Skupština preduzeća dužna je u roku od 15 dana od dana imenovanja usvojiti Poslovnik o radu Skupštine.

Razrješenje predsjednika i članova Skupštine Preduzeća vrši se na način predviđen stavom 4. ovog člana, a proceduru mogu pokrenuti Ministarstvo saobraćaja, Vlada Kantona Sarajevo i Skupština Kantona Sarajevo.

Organi preduzeća podnose izvještaj o radu Preduzeća, Vladi Kantona Sarajevo i Skupštini Kantona Sarajevo, kao osnivaču".

Član 9.

Statut Preduzeća uskladit će se sa odredbama ove Odluke u roku od 30 dana njenog stupanja na snagu.

Član 10.

Član 4. ove Odluke primjenjivat će se po isteku mandata sadašnjeg predsjednika i članova Nadzornog odbora Preduzeća.

Član 11.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23459/09
3. septembra 2009. godine
Sarajevo

Predsjedavajući
Skupštine Kantona Sarajevo
Dr. **Denis Zvizdić**, s. r.